

四庫全書

集部

欽定四庫全書

御定佩文齋詠物詩選卷二百四十六

粥類

五言古

啣茗粥作

唐儲光羲

當晝暑氣盛鳥雀靜不飛
念君高梧陰復解山中衣
數片遠雲度曾不蔽炎暉
淹留膳茶粥共我飯蕨薇
敞廬既不遠日暮徐徐歸

七言古 附長短句

豆粥

宋 蘇軾

君不見滹沱流澌車折軸公孫倉黃奉豆粥濕薪破竈
自燎衣饑寒頓解劉文叔又不見金谷敲冰草木春帳
下烹煎皆美人萍蘆豆粥不傳法咄嗟而辦石季倫干
戈未解身如寄聲色相纏心已醉身心顛倒自不知更
識人間有真味豈如江頭千頃雪色蘆茅簷出沒晨煙
孤地碓舂杭光似玉沙瓶煮豆軟如酥我老此身無著

處賣書來問東家住卧聽雞鳴粥熟時蓬頭曳履君家
去

口數粥行

宋范成大

家家臘月二十五浙米如珠和豆煮大杓撩鎗分口數
疫鬼聞香走無處鏤薑屑桂澆蔗糖滑甘無比勝黃粱
全家團樂罷晚飯在遠行人亦留分襁中孩子強教嘗
餘波溥霑獲與臧新元叶氣調玉燭天行已過來萬福
物無疵厲年穀熟長向臘殘分豆粥

豆粥

宋 僧惠洪

出碓新杭明玉粒落叢小豆楓葉赤井花洗杭勿去糝
沙餅煮豆須彌日五更鍋面漚起滅秋沼隆隆疎雨集
急除烈焰看徐攪豆才亦趨洄渦入須臾大杓傳淨甕
浪寒不興色如粟食餘偏稱地爐眠白灰紅火光濛密
金谷賓朋怪咄嗟萋亭君臣相記憶我今萬事不知他
但覺銅餅蚯蚓泣

七言律

食茯苓粥

明周砥

荷鏤穿雲得茯苓，作糜從此謝吞腥。
齋厨自啟添松火，香韻初浮滿竹庭。
時憶紫芝歌舊曲，尚尋黃獨制頽齡。
今晨暫輟青精飯，與潔方壇味玉經。

七言絕句

評事翁寄賜餠粥走筆為答

唐李商隱

粥香餠白杏花天，省對流鶯坐綺筵。
今日寄來春已老，鳳樓迢遞憶鞦韆。

戲鄭秀才

金劉勳

張老豆新頻見餉鄭家米鑿不須賒客來粥熟吾能辦
要與齊奴鬪咄嗟

灤京雜詠

元楊允字

狼山山下曉風酸掩面佳人半怯寒倚戶殷勤喚嘗粥

正宜倦客宿征鞍

俗賣
豆粥

御定佩文齋詠物詩選卷二百四十六

欽定四庫全書

御定佩文齋詠物詩選卷二百四十七

麩類

五言古

槐葉冷淘

唐
杜甫

青青高槐葉采掇付中厨
新麩來近市汁滓宛相俱
入鼎資過熟加餐愁欲無
碧鮮俱照筯香飯兼苞蘆
經齒冷於雪勸人投比珠
願隨金騾裹走置錦屠蘇
路遠思

恐泥興深終不渝獻芹則小小薦藻明區區萬里露寒
殿開冰清玉壺君王納涼晚此味亦時須

甘菊冷淘

宋 王禹偁

經年厭梁肉頗覺道氣渾孟春致齋戒勅厨惟素飧淮
南地甚暖甘菊生籬根長芽觸土膏小葉弄晴暎采采
忽盈把洗去朝露痕俸麩新且細洩牢如玉墩隨刀落
銀縷煮投寒泉盆雜此青青色芳香敵蘭蓀一舉無子
遺空媿越盃存解衣露其腹稚子為我捫飽慙廣文鄭

饑謝魯山元况我草澤士
藜藿供朝昏謬因事筆硯名
通金馬門官供政事食久直
紫薇垣誰言謫滌上吾族
飽且温既無甘旨慶焉用味
品煩子美重槐葉直欲獻
至尊起予有遺韻甫也可與言

七言古

傅家麪食行

明程敏政

傅家麪食天下工製法來自東
山東美如甘酥色瑩雪
一由入口心神融旁人未許窺
炙釜素手每自開蒸籠

侯鯖尚食固多品此味或恐無專功并洛人家亦精辦
斂手未敢來爭雄主人官屬司徒公好客往往尊罍同
我雖北人本南產饑腸不受餅餌充惟到君家不須勸
大嚼頗懼冰盤空膝前新生兩小童大者已解呼乃翁
願君飭餼常加豐待我醉攜雙袖中

五言律

粃麩

元許有壬

坡遠花全白霜輕實便黃杵頭麩退墨磴齒雪流香玉

葉翻盤薄銀絲出漏長元宵貯膏火蒸墨笑南鄉

七言絕句

房陵

宋陳造

夏田少雨富來年多雨何妨穡事秋已戒日供皮子麩
更教晚稻飽霜收

御定佩文齋詠物詩選卷二百四十七

欽定四庫全書

御定佩文齋詠物詩選卷二百四十八

糕類

七言古

謝韓幹送絲糕

宋陳造

玉顆瑩澈珠就磋
吳鄉早杭莫計過
無乃風露秀結異
移種崑崙之木禾
國家厨婦一百技
三春九浙付重羅
銀絲千尋忽縈積
中疎外潔生搓接
扶桑仙蠶大如盎

線之本供織女梭，恍驚萬啄關新巧。習作冰茸雪網窠，
即今擬形供食事。纖手幻出千約多，倒甑入筯第三絕。
色香兼味皆可歌，周官賓祭珍饗餌。有此復具理則那，
詩翁物色及粗糲。得此來前當見訶，繪盤漫詫金縷釘。
湯餅徒誇銀線窩，瓊酥玉膩信非匹。胡麻崖蜜仍相和，
感君汎愛記衰朽。回首一笑分餘波，腐儒口實長作累。
饒饒之名定不磨，金山別去每挂夢。老眼復見還雙摩，
婪酣得飽問便腹。如汝平生相負何，更從公子乞方法。

日當飫之老澗邁買田二頃不種秫未怕酒客來操戈

七言律

九日陪諸閣老食賜糕次謝授經韻

明
高 啟

叨陪講席按詞曹曉禁霜花點素袍院貯圖書西掖靜
雲連宮殿北山高故園莫憶黃花酒內府初嘗赤棗糕
最愛鳳毛今復見便令池上一揮毫

七言絕句

灤京雜詠

元 楊允孚

葡萄萬斛壓香醪
華屋神仙意氣豪
酬節涼糕猶未品
內家先散小絨絛

御定佩文齋詠物詩選卷二百四十八

欽定四庫全書

御定佩文齋詠物詩選卷二百四十九

餅類

七言律

乙亥元日十峯飲師邵東齋出予家桂餅師邵
有詩自牆上遞至次韻奉答

明
顧清

寶鈿和露壓金英為趨秋光一日成月殿有人留素影

花林無物稱佳名，攜來不覺鄉關遠。
吟罷猶令客夢清，茗盃酒杯皆可意。
好將新歲作傳生。唐人歲首飲酒名傳生

七言絕句

寄胡餅與楊萬州

唐白居易

胡麻餅樣學京都，麩脆油香新出爐。
寄與饑饉楊大使，嘗看得似輔興無。

對食戲作

宋陸游

春前臘後物華催，時伴兒曹把酒杯。
蒸餅猶能十字裂

餽餽那得五般來

題扇與周幹臣

元虞集

玉疊松花蜜餅香
龍珠星顯露盤涼
遙知環碧樓中坐
翠竹蒼松夏日長

御定佩文齋詠物詩選卷二百四十九

欽定四庫全書

御定佩文齋詠物詩選卷二百五十

饌類

五言律

慕容承攜素饌見過

唐王維

紗帽烏皮几間居懶賦詩門看五柳識年算六身知靈
壽君王賜彫胡弟子炊空勞酒食饌持底解人頤

七言律

丁丑五月大旱雩禱上齋居御講頒賜素蔬一

盒

明
于慎行

雲漢憂歌歲事艱桑林虔禱聖心殫祈年不輟金華講
減膳猶分玉筋餐始見仙盤疑汎露却嘗寶饌是調蘭
崇朝膚寸紆宸想霖雨應騰四野歡

五言絕句

中書送敕賜齋饌戲酬內

唐
權德輿

常日每齊眉今朝共解頤遙知大官膳應與衆雛嬉

七言絕句

灤京雜詠

元
楊允亨

御饌官厨不較餘
金門掌膳意勤如
更分光祿餅中酒
爛醉歸時月上初

御定佩文齋詠物詩選卷二百五十

欽定四庫全書

御定佩文齋詠物詩選卷二百五十一

酥類

七言絕句

劉監倉家煎米粉作餅子余云為甚酥潘邠老
家造逡巡酒余飲之云莫作醋錯著水來否
後數日余攜家飲郊外因作小詩戲劉公求
之

宋蘇軾

野飲花間百物無
杖頭惟挂一葫蘆
已傾潘子錯著水
更覓君家為甚酥

寄顏經略羊酥

元 貢師泰

三山五月尚清寒
新滴羊酥凍玉椀
何物風流可相稱
兔豪花淪水龍團

灤京雜詠

元 楊允孚

營盤風軟淨無沙
乳餅羊酥當啜茶
底事燕支山下女
生平馬上慣琵琶

卷之三

印定風文系永勿寺尾

二

御定佩文齋詠物詩選卷二百五十一

欽定四庫全書

御定佩文齋詠物詩選卷二百五十二

乳類

五言古

詠有人乞牛舌乳不付因餉檳榔詩

梁
劉孝綽

陳乳何能貴爛舌不成珍空持渝皓齒非但汙丹唇別
有無枝實曾要湛上人羞比朱櫻熟詎易紫梨津莫言

蒂中久當看心裏新微芳雖不足含咀願相親

七言律

寄賈搏霄乞馬乳

元 耶律楚材

天馬西來釀玉漿革囊傾處酒微香
長沙莫吝西江水 文舉休空北海觴
淺白痛思瓊液冷 微甘酷愛蔗漿涼
茂陵要灑塵心渴 願得朝朝賜我嘗

五言絕句

乳餅

宋 朱子

清朝薦蔬盤乳鉢有真味不用精瓊糜無勞爛羊胃

御定佩文齋詠物詩選卷二百五十二

欽定四庫全書

御定佩文齋詠物詩選卷二百五十三

羹類

五言古

狄韶州煮蔓菁蘆服羹

宋蘇軾

我昔在田間寒庖有珍烹常支折脚鼎自煮花蔓菁中
年失此味想象如隔生誰知南岳老解作東坡羹中有
蘆菔根尚含曉露清勿語貴公子從渠嗜羶腥

龍福寺煮東坡羹戲作

宋朱弁

山寺解塵鞅谿邊有微行手摘諸葛菜自煮東坡羹雖
無錦繡腸亦飽風露清鈎簾坐捫腹落日千峯明

食菜羹示何道士

宋僧惠洪

窮冬海道絕瘴雨晴墟里何以知歲豐未卯炊煙起先
生清夢回科髻方隱几獠奴拾墮薪發爨羹藜米飽霜
闊葉菘近水繁花薺都盧深注湯米爛菜自美椎門醉
道士一笑欲染指誠勿加酸醎云恐壞至味分嘗果超

絕玉糝那可比鮮肥增惡欲腥葷耗道氣畢生啜此羹
自可老儋耳錄以寄徐聞阿同應笑喜

七言古

戲督潛亨作春羹

宋 鄒浩

先生家中餘玉粒粉以為餅陪春羹春羹品物謝時味
江流暖汎園中英晴窗對案忽舉首徑走長鬚呼友生
襄陽大夫腹如鼎一筋九牛猶未盈歡然放筋即過我
自歎珍庖逾大烹且言初意亦在我屬我府事留西城

先生飯不飯俗客若苦轉盼相倒傾東風雕刻物物好
槎頭縮頸尾不頽藥苗蔬甲破土出似與米齊爭功名
應憐十載瘦藜莧為我一除饑腸鳴

蓴羹歌

明
李流芳

怪我生長居江東不識江東蓴菜美今年四月來西湖
西湖蓴生滿湖水朝朝暮暮來采蓴西湖城中無一人
西湖蓴菜蕭山賣千擔萬擔湘湖濱吾友數人偏好事
時呼輕舸致此味柔花嫩葉出水新小摘輕淹雜生氣

微施薑桂猶清真未下鹽豉已高貴吾家平頭解烹煮
間出新意殊可喜一朝能作千里羹頓使吾徒搖食指
琉璃盃盛碧玉光五味紛錯生馨香出盤四座已歎息
舉筯不敢爭先嘗淺斟細嚼意未足指點杯盤戀餘馥
但知脆滑利齒牙不覺清虛累口腹血肉腥臊草木苦
此味超然離品目京師黃芽軟如酥家園燕笋白如玉
差堪與汝為執友菁根杞苗皆臣僕君不見區區芋魁
亦遭遇西湖蓴生人不顧季鷹之後有吾徒此物千年

免沈錮君為我飲我作歌得此十斗不足多世人耳食
不貴近更須遠挹湘湖波

七言律

食蛤蜊米脯羹

宋楊萬里

傾來百顆恰盈奩剝作杯羹未屬厭莫遣下鹽傷正味
不曾著蜜若為甜雪指玉質全身瑩金緣冰鈿半縷纖
更浙香杭輕糝却發揮風韻十分添

菜羹

元洪希文

雨後過畦嫩甲長士夫此味未能忘筠籠採擷朝晡供
土銚烹熬雨露香鹽豉勻調仍點露香粳細擣旋加薑
老饕賦好人爭誦喚醒歐生為洗狂

七言絕句

過子忽出新意以山芋作玉糝羹色香味皆奇
絕天上酥陀則不可知人間決無此味也

宋
蘇軾

香似龍涎仍醞白味如牛乳更全清莫將南海金齏膾

輕比東坡玉糝羹

素羹

宋范成大

檀芋凝酥敵少城土譜割玉勝南京合和二物歸藜糝
新法儂家骨董羹

東坡羹

宋僧惠洪

分外濃甘黃竹筍自然微苦紫藤心東坡鐺內相容攝
乞與饒禪掉舌尋

嶺南雜詠

明汪廣洋

吉貝衣單木屐輕晚涼門外踏新晴相逢故舊無多語
解說邊爐骨董羹

御定佩文齋詠物詩選卷二百五十三

欽定四庫全書

御定佩文齋詠物詩選卷二百五十四

湯類

七言絕句

歸宜興留題竹西寺

宋蘇軾

道人勸飲雞蘇水童子能煎鶯粟湯
暫借藤牀與瓦枕
莫教孤負竹風涼

鄒松滋寄苦竹泉橙麴蓮子湯

宋
黃庭堅

松滋縣西竹林寺苦竹林中甘井泉
巴人漫說蝦蟇焙
試裹春芽來就煎

其二

天將金闕真黃色借與洞庭霜後橙
松滋解作逡巡麴
壓倒江南好事僧

其三

新收千百秋蓮蒨剝盡紅衣搗玉霜
不假參同成氣味

跳珠腕裏綠荷香

贈別徐監觀

宋 葛長庚

曉來自點素馨湯
兩朵蓮花隔宿香
夜醉至今猶未醒
荔枝取次對枯腸

御定佩文齋詠物詩選卷二百五十四

欽定四庫全書

御定佩文齋詠物詩選卷二百五十五

糖霜類

七言律

糖霜

元
洪希文

春餘甘蔗榨為漿色美鶩兒淺淺黃金掌飛仙承瑞露
板橋行客履新霜攜來已見堅冰漸嚼過誰傳餐玉方
輸與雪堂老居士牙盤瑪瑙妙稱揚

七言絕句

答梓州雍熙長老寄糖霜

宋 黃庭堅

遠寄蔗漿知有味勝于崔子水晶鹽
正宗掃地從誰說
我舌猶能及鼻尖

御定佩文齋詠物詩選卷二百五十五

欽定四庫全書

御定佩文齋詠物詩選卷二百五十六

食物雜類

五言古

謝張泰伯惠黃雀鮓

宋
黃庭堅

去家十二年黃雀慳下筋笑開張侯盤湯餅始有助蜀
王煎麩法醢以羊羸兔麥餅薄於紙含漿和醎酢秋霜
落場穀一一挾蠶絮殘飛蒿艾間入網輒萬數烹煎宜

老稚罌缶煩愛護南包解京師至尊所珍御玉盤登百
十睥睨輕桂蠹五侯噉豢豹見謂美無度瀕河飯食漿
瓜菹已佳茹誰言風沙中鄉味入供具坐令親饌甘更
使客得與蒲陰雖窮僻勉作三年住願公且安樂分寄
尚能屢

次聖與小兒啖虎脯篇

宋劉宰

折臂最小兒骨聳顙微廣弗說螺螄小可以吞大象那
敢謂其然且幸日稍長顧似陶家郎智識殊不爽強令

侍師席跳踉繞函丈胡能辨滋味舍魚取熊掌但見蔬
果列攫取如技癢嘉餽得虎鬻新獵出林莽對之懶下
筯殺氣猶可想呼兒食之既睥睨尚來往饕餮我所羞
跌蕩或稱賞服猛豈渠能過獎謝吾黨深慚如敝帚有
誤千金享

菽乳

明孫作

淮南信佳士思仙築高臺八老變童顏鴻寶枕中開異
方營齊味數度真琦瑰作羹傳世人令我憶蓬萊如葷

厭惹非此物乃呈才戎菽來南山清漪浣浮埃轉身一
旋磨流膏入盆罌大金氣浮浮小眼湯洄洄頃待晴浪
翻坐見雪花暄青鹽化液瀟絳蠟竄煙煤霍霍磨昆吾
白玉大片裁烹煎適吾口不為老齒摧蒸豚亦何為人
乳聖所哀萬錢同一飽斯言匪俳詼

七言古 附長短句

長林令衛象餉絲結歌

唐司空曙

主人瑀盤盤素絲寒女眷眷墨子悲乃言假使餉為之

八珍重沓失顏色手援玉筋不敢持始狀芙蓉出新水
仰坼重衣傾萬葉又如合歡交亂枝紅茸向暮花參差
吳蠶絡蠶抽尚絕細縷織毫看欲滅雪髮羞垂倭墮鬢
繡囊畏並茱萸結我愛此絲巧妙絕世間無為君作歌
陳座隅

安州老人食蜜歌

宋蘇軾

安州老人心似鐵老人心肝小兒舌不食五穀惟食蜜
笑指蜜蜂作檀越蜜中有詩人不知千花百草爭含姿

老人咀嚼時一吐還引世間癡小兒小兒得詩如得蜜
蜜中有藥治百疾正當狂走捉風時一笑看詩百憂失
東坡先生取人庶幾人相歡幾人嫌恰似飲茶甘苦雜
不如食蜜中邊甜因君寄與雙龍餅鏡空一照雙龍影
三吳六月水如湯老人心似雙龍井

謝崔致君餉天花

宋朱弁

三年北饌飽羶葷佳蔬頗憶江南味地菜方為九夏珍
天花忽從五臺至崔侯胸中散千卷金甌名相傳雲裔

愛山亦如謝康樂得此攜歸豈容易應念使館久寂寥
分餉明明見深意堆盤初見瑤草瘦鳴齒稍覺瓊枝脆
樹雞濕爛慙扣門桑蛾青黃漫趨市赤城菌子立萬釘
今日因君不知貴乖龍耳僅免一割沙門業已通三世
偃戈息民未有術雖復加餐祇增媿雲山去此縱不遠
口腹何容更相累報君此詩永為好捧腹一笑萬事置

李聖俞郎中求吾家江西黃雀醪法戲作醪經

遺之

宋
楊萬里

江夏無雙小道士一丘一壑長避世裁雲縫霧作羽衣
蘆花柳綿當裘袂身騎鴻鵠太液池脚踏金臺攀桂枝
渴飲南陽菊潭水饑啄藍田粟玉芝今年天田秋大熟
紫皇遣刈神倉穀一雙鳧雁墮雲羅夜隨弋人卧茅屋
賣身不直程將軍却與彭越俱策勲解衣戲入玉壺底
壺中別是一乾坤水精鹽山兩岐麥身在椒蘭衆香國
玉條脫下澡凝脂金叵羅中酌瓊液平生學仙不學禪
剗心洗髓糟牀邊諸公俎豆驚四筵猶得留侯借筋前

昔為飛仙今酒仙更入太史滑稽篇

吳春卿餉臘猪肉戲作古句

楊萬里

老夫畏熱飯不能先生饋肉香傾城霜刀削下黃水精
月斧斫出紅松明君家豬紅臘前作是時雪後吳山脚
公子彭生初解縛糟丘挽上凌煙閣却將一鬻配兩螯
世間真有揚州鶴

謝親戚寄黃雀

楊萬里

萬金家書寄中庭牘背仍題雙掩并不知千里寄底物

白泥紅印三十餅
甕餅淺染茱萸紫
心知親賓寄鄉味
印泥未開出饒水
印泥一開香撲鼻
江西山間黃羽衣
純綿被體白如脂
偶然一念墮世網
身插兩翼那能飛
誤蒙諸公相俎豆
月裏花邊一杯酒
先生與渠元不疎
兩年眼底不見渠
端能訪我荆谿曲
願借前籌酌鄧淥

蜂兒榷歌

宋葉適

平林常榷啖俚蠻
玉山之產升金盤
其中一樹斷崖立
石乳蔭根多歲寒
形嫌蜂兒尚麤率
味嫌蜂兒少標律

昔日取急欲高比，今我細論翻下匹。
世間異物難並兼，百年不許贏栽添。
餘甘何為滿地澀，荔子正復漫天甜。
浮雲變化嗟俯仰，靈芝醴泉成獨往。
後來空向玉山求，坐對蜂兒還想象。

五言律

酬崔御史送熊掌

元虞集

熊掌來東國，分甘到老夫。
鸞刀寒斷節，翠釜暖柔膚。
兔脫中山醢，魚藏丙穴腴。
藜腸渾未厭，玉食恐時須。

七言律

襲美以巨魚之半見分因以酬謝

唐
陸龜蒙

誰與春江上信魚可憐霜刃截來初鱗墮似撒騷人屋
腹斷疑傷遠客書避網幾跳山影破逆風曾撼浪花虛
今朝最是家童喜免泥荒畦掇野蔬

邦衡再送二詩一和為甚酥二和牛尾狸

宋
周必大

金谷烹煎豈我徒磨春爭語夜闌厨六年不賜湯官餌
除日猶分刺史酥小惠無多真畫餅大篇有味勝清醐
遙知發冢烘堂處不見蒸鷲只瓠壺

其二

追跡猶應怨獵徒截肪何敢恨庖厨膾鱸湖上曾誇玉
煮豆餅中未是酥伴食偏宜十字餅先驅正賴一卮醐
却因玉面新名字腸斷元正白獸壺

鹿尾

元
耶律楚材

鑿輿秋獮獵南岡鹿尾分甘賜尚方濃色殷殷紅玉髓
微香馥馥紫瓊漿韭花酷辣同蔥薤芥屑差辛類桂薑
何似羶根蘸濃液邀將詩客大家嘗

糟魚

元
王
惲

霜刀截斷玉腴芳暖貯銀罌釀粉漿錦尾帶頰傳內品
金盤堆雪喜初嘗解醒未減黃柑美雋味能欺紫蠟香
一筋饜餘乘醉卧夢橫滄海聽鳴榔

琉璃肺

王
惲

擊鮮為具樂朋簪辣品流馨漲綠沈犀筋喜辛忘海味
霜刀爭割快牛心四筵談屑霏餘烈一縷冰漿濯素襟
勝過屠門矜大嚼夢雲飛繞蹠林深

粉丸

明
吳寬

淨淘細碾玉霏霏萬顆完成素手稀鬚上輕圓真易拂
腹中磊砢更堪圍不勞劉裕呼方旋若使陳平食更肥
既飽有人頻咳唾席間往往落珠璣

油餛

吳寬

膩滑津津色未乾聊因佳節助杯盤
畫圖莫使依寒具書信何勞送月團
曾見范公登雜記獨逢吳客勸加餐
當筵一爵誇甘美老大無成憶胆丸

以燈圓餉陸太僕

明顧清

三五新正憶故園屑雲糜玉闌春盤小
奴解作江南意遠客都忘歲暮寒梅欲鬪
圓忙著子雪如爭巧故成團玉厓太僕
真清吏莫認明珠按劍看

賜鮮鮓魚

明于慎行

六月鮪魚帶雪寒三千江路到長安堯厨未進銀刀鱠
漢闕先分玉露盤賜比羣卿恩已重頌隨元老遇猶難
遲回退食慙無補仙饌年年領大官

五言絕句

豆腐

宋朱子

種豆豆苗稀力竭心已腐早知淮王術安坐獲泉布

七言絕句

寒具

宋蘇軾

纖手搓來玉數尋
碧油輕蘸嫩黃深
夜來春睡濃於酒
壓徧佳人纏臂金

醉中信筆作

宋陸游

今朝賣穀得青錢
自出街頭買瑣肩
草火燎來香滿屋
未容下筯已流涎

荷包鮓

宋宋伯仁

買得荷包酒旋沽
荷包惜不是鱸魚
鱸魚不見張翰輩
白向滄波隱處居

圓子

宋 朱淑真

輕圓絕勝雞頭肉滑膩偏宜蟹眼湯縱可風流無處說
已輸湯餅試何郎

引奏後即事

明 蔡羽

金華筵罷退從容小仗穿花聽午鐘五色傘中黃帕幕
大官初進紫駝峯

御定佩文齋詠物詩選卷二百五十六

欽定四庫全書

御定佩文齋詠物詩選卷二百五十七

穀類

四言古

禾

魏
曹植

猗猗嘉禾惟穀之精其洪盈箱協穗殊莖昔生周朝今
植魏庭獻之廟堂以昭祖靈

穀

曹植

於穆聖皇仁暢惠渥辭獻減膳以服鰥獨和氣致祥時
雨滲漉野草萌變化成嘉穀

華黍

晉
束皙

黜黜重雲習習和風黍華陵顛麥秀丘中靡田不播九
穀斯豐奕奕青霄濛濛甘雷黍發稠華禾挺其秀靡田
不植九穀斯茂無高不播無下不植芒芒其稼參參其
穡穡我王委充我民食玉燭陽明顯猷翼翼

庭前植稻苗贊

晉
湛方生

蓊蓊嘉苗離離階側弱葉繁蔚圓株疎植清流津根輕
露濯色

五言古

行官張望補稻畦水歸

唐杜甫

東屯大江北百頃平若案六月青稻多千畦碧泉亂插
秧適云已引漕加溉灌更僕往方塘決渠當斷岍公私
各地著浸潤無天旱主守問家臣分明見谿畔芊芊炯
翠羽剡剡生銀漢鷗鳥鏡裏來關山雪邊看秋菰成黑

米精粦傳白粲玉粒足晨炊紅鮮任霞散終然添旅食
作苦期壯觀遺穗及衆多我倉戒滋蔓

遣興

杜甫

豐年孰云遲甘澤不在早耕田秋雨足禾黍已映道春
苗九月交顏色同日老勸汝衡門士勿悲尚枯槁時來
展材力先後無醜好但訝鹿皮翁忘機對芳草

東坡

宋蘇軾

種稻清明前樂事我能數毛空暗春澤鉞水聞好語分

秧及初夏漸喜風葉舉月明看露上一珠垂縷秋來
霜穗重顛倒相撐拄但聞畦壟間蚱蜢如風雨新春使
入甌玉粒照筐筥我久食官倉紅腐等泥土行當知此
味口腹已吾許

糴米

蘇軾

糴米買東新百物資之市不緣耕樵得飽食殊少味再
拜請邦君願受一廛地知非笑昨夢食力免內愧春秧
幾時花夏稗忽已穉悵然撫耒耜誰復識此意

看刈禾

明高啟

農工亦云勞，此日始告成。往獲安可後，相催及秋晴。父子俱在田，札札鏹有聲。黃雲漸收盡，曠望空郊平。日入負擔歸，謳歌道中行。鳥雀亦羣喜，下啄飛且鳴。今年幸稍豐，私廩各已盈。如何有貧婦，拾穗猶惓惓。

七言古

附長短句

烏鹽角行

宋戴復古

鳳簫鼉鼓龍鬚笛，夜宴華堂醉春色。艷歌妙舞蕩人心。

但有歡娛別無益何如邨落捲桐吹能使時人知稼穡
邨南邨北聲相續青郊雨後耕黃犢一聲催得大麥黃
一聲換得新秧綠人言此角只兒戲孰識古人吹角意
田家作勞多怨咨故假聲音召和氣吹此角起東作吹
此角田家樂此角上與鄒子之律同宮商合鐘呂形甚
朴聲甚古一吹寒谷生禾黍

杜伯淵送新米

明
楊基

山人送我山田米粒粒如霜新可喜雨春風播落紅芒

照眼如珠絕糠粃饑腸欲食未敢炊未及秋嘗羞祖禰
憶我春來歲方旱焦穗萎苗將槁矣不意茲晨見精粦
此寶更將何物比終歲勤勞農可念不耕而食余堪恥
歸買淞江雪色鱸持向高堂奉甘旨

五言律

茅堂檢校收稻

唐
杜甫

香稻三秋末平田百頃間喜無多屋宇幸不礙雲山御
袂侵寒氣嘗新破旅顏紅鮮終日有玉粒未吾慳

暫往白帝復還東屯

杜甫

復作歸田去猶殘穫稻功
築場憐穴蟻拾穗許邨童
落杵光輝白除芒子粒紅
加餐可扶老倉庾慰飄蓬

與諸公同出城觀稼

唐白居易

老尹醉醺醺來隨年少羣
不憂頭似雪但喜稼如雲
歲望千倉積秋憐五穀分
何人知帝力堯舜正為君

田舍

明李瑋

廣陌度秋風田家門巷同
藤花金一色豆莢箸雙紅
糠

藜存生理篝車見歲功
茅柴新釀得逼社醉南翁

觀稻

明石 沆

稻水千區映邨煙
幾處斜冷風低起
樹輕浪細浮花鳥
雀深深圃鳧鷺淺淺沙
社歌聲不絕于此見年華

五言排律

秋稼如雲

唐 蔣防

肆目如雲處三田大有秋
蔥蘢初滿野散漫正盈疇
稍混從龍勢空同觸石幽
紫芒紛翼翼青野澹油油
始愜

倉箱望終無滅裂憂西成知不遠雨露復何酬

嘉禾合穎

唐孟簡

玉燭將成歲封人亦自歌八方霑聖澤異畝發嘉禾共
秀芳何遠連莖瑞且多穎低甘露滴影亂惠風過表稔
由神化為祥識氣和因知興嗣歲王道舊無頗

太和戊申歲大有年詔賜百寮出城觀稼謹書

盛事以俟采詩

唐白居易

清晨承詔命豐歲閱田閭膏雨抽苗足涼風吐穗初早

禾黃錯落晚稻綠扶疎好入詩家詠宜令史館書散為
萬姓食堆作九年儲莫道如雲稼今秋雲不如

嘉禾合穎

唐闕名

天祚皇王德神呈瑞穀嘉盛時苗特秀證道葉方華氣
轉騰佳色雲披映早霞薰風浮合穎湛露淨祥花六穗
垂兼倒孤莖嫋復斜影同唐叔獻稱慶比周家

七言律

西明寺威公盆池新稻

唐唐彥謙

為笑江南種稻時
露蟬鳴後雨霏霏
蓮盆積潤分畦小
藻井垂陰擢秀稀
得地又生金粟界
結根仍對水田衣
支公尚有三吳思
更使幽人憶釣磯

六月六日雨後過嶽廟遊從封寺觀稼席上

宋 韓 琦

暑雨頻經信宿休
近郊方出釋潛憂
雖妨麥始三停穫
且見苗知一半收
神嶽怖民藏電電
老松憑寺偃蛟虬
佳遊况遇從豐識
好飭千倉待有秋

觀稼

韓琦

一夕甘滋起瘁田
陡回灾沴作豐年
使晴惟恐禾生耳
將熟偏宜穀捺卷
雲退不畱驅旱迹
氣清渾露已秋天
老翁豈獨同民樂
更覺詩豪似有權

端孺糴米龍川得粳糯數十斛以歸作詩調之

宋
唐庚

倒拔孤舟入瘴煙
歸來百斛瀉豐年
炊香未數神江白
釀滑偏宜佛跡泉
飽去定知頻夢與
醉中何至便妨禪

憑君為比長安米看直公車牘幾千

丹陽道中觀稼

元張雨

行遍山東黃葉邨縱橫草路細難分荒難戶暗蠨蛸月
落鴈天粘穰稷雲下澤車傍懸酒榼延陵祠畔讀碑文
空山更覓牛羊徑入獸依然不亂羣

秋穫喜晴

明黃佐

農事初成樂事繁即看雲水接平原巾車道上黃迷龍
社鼓聲中綠滿尊十里斷霞明鴈鶩半林斜照散雞豚

豐年有願緣憂國擊壤今聞到處邨

米花

明 盛 或

吳下字婁傳舊俗人間兒女卜清時
釜香雲陣衝花辦
火烈春聲繞竹枝
翻笑絕糧驚雨粟
還疑煮豆泣然其
一年休咎何須問
且醉樽前金屈卮

七言絕句

禾熟

宋 孔平仲

百里西風禾黍香
鳴泉落竇穀登場
老牛粗了耕耘債

齧草坡頭卧夕陽

房陵

宋
陳造

夏田少雨富來年
多雨何妨穡事秋
已戒日供皮子麵
更教晚稻飽霜收

早行

宋
陳與義

露侵駝褐曉寒輕
星斗闌干分外明
寂寞小橋和夢過
稻田深處草蟲鳴

豐年謠

宋
王炎

滿箔春蠶得繭絲家家機杼換新衣五風十雨天時好
又見西郊稻秫肥

其二

洞丁徭戶盡歸耕篁竹無人弄寸兵要識二天恩德廣
黃雲千里見秋成

其三

睡鴨陂塘水漫流離離禾稼滿平疇共言官府催科緩
飽飯渾家百不憂

東門外觀刈熟民間租米船相銜入城喜作

宋
范成大

潮到靈橋綠繞船海邊力穡屢豐年
淡青山色深黃稻
恰似胥門九月天

春日田園雜興

范成大

吉日初開種稻包南山雷動雨連宵
今年不欠秧田水
新漲看看拍小橋

晚春田園雜興

范成大

湔褻水滿菘蘋洲上已微寒
懶出遊薄暮蛙聲連曉鬧
今年田稻十分秋

秋日田園雜興

范成大

秋來只怕雨垂垂
甲子無雲萬事宜
穫稻畢工隨曬穀
直須晴到入倉時

其二

范成大

新築場泥鏡面平
家家打稻趁霜晴
笑歌聲裏輕雷動
一夜連枷響到明

書館即事

元黃庚

煙拖野色入書窗
一畝平田隔草塘
暮雨初收新水滿
藕花香雜稻花香

一峰雲外菴

元僧惟則

平田水語稻花香
半解羅衣受晚涼
景物雙清秋正好
亂山雲外又斜陽

秋日即事詩三章送元輔張羅山

錄一

明世宗

拂暑金風動袞裳滿天商吹送新涼農家萬寶收成後
十里遙聞黍黍香

送汪伯昭遊白門伯昭將自京口至棲霞寺因

憶舊遊走筆得四絕

錄一

明

李流芳

紫藤峰下麓公房松戶陰陰嶺月凉若到都門宜曉騎
姚坊廿里稻花香

御定佩文齋詠物詩選卷二百五十七

欽定四庫全書

御定佩文齋詠物詩選卷二百五十八

麥類

五言古

耕圖

元趙孟頫

仲夏苦雨乾二麥先後熟南風吹壠畝惠氣散清淑是
為農夫慶所望實其腹酤酒醉比鄰語笑聲滿屋紛然
收穫罷高廩起相屬有周成王業后稷播百穀皇天貽

來牟長世自茲卜願言仍歲稔四海盡蒙福

久麥

明陶望齡

久麥化蝴蝶蝶化寧自識翅粉漸凌亂鬚背好粧飾無
端夢為周誇言大鵬翼著書一何困矢口談道德當其
夢覺時栩栩亦暫適莫信夢中言前身一腐麥

七言古

刈麥行

宋戴復古

腰鎌上壠刈黃雲東家西家麥滿門前邨寡婦拾滯穗

饘粥有餘炊餅餌我聞淮南麥最多麥田今歲無干戈
飽飯不知征戰苦生長此方真樂土

打麥詞

明
高啟

雉雛高飛夏風煖行割黃雲隨手斷疎莖短若牛尾垂
去冬無雪不相宜場頭負歸日色白穗落連耒聲拍拍
呼兒打曬當及晴雨來怕有飛蛾生卧驅鳥雀非愛惜
明年好收從爾食

五言排律

麥穗兩岐

唐鄭畋

聖慮憂千頃嘉苗薦兩岐如雲方表盛成穗更標竒
瑞露縱橫滴祥風左右吹謳謠連上苑化日逼平陂
史冊書堪重丹青畫更宜願依連理樹俱作萬年枝

餘瑞麥

唐張聿

瑞麥生堯日芄芄雨露偏兩岐分更合異畝穎仍連
冀獲明王慶寧惟太守賢仁風吹靡靡甘雨長芊芊
聖德應多稔皇家配有年已聞天下泰誰為濟西田

七言律

麥

明
申時行

芄芄秀色挺來牟
片片黃雲似水流
風作跳波時隱見
雨添新漲乍沈浮
晴畦錦漾千層澈
寒壠濤生四月秋
却怪狂瀾頻起陸
漫教文偉賦中愁

七言絕句

初夏即事

宋
王安石

石梁茅屋有灣碕
流水濺濺度兩陂
晴日煖風生麥氣

綠陰幽草勝花時

其二

荷葉初圓筍漸抽
東坡南蕩正堪遊
無端壠上脩脩麥
橫起風寒占作秋

莫田

宋 劉子翬

打麥逢逢上莫田
兒童拾穗笑爭先
市頭米價新來賤
一醉瓷甌五六錢

初夏

宋 范成大

晴絲千尺挽韶光
百舌無聲燕子忙
永日屋頭槐影暗
微風扇裏麥花香

初四日東郊觀麥苗

范成大

去歲秋霖麥下遲
臘殘一雪潤無泥
相將飽喫滄沱飯
來聽林間快活啼

春日田園雜興

范成大

高田二麥接山青
傍水低田綠未耕
桃杏滿邨春似錦
踏歌椎鼓過清明

夏日田園雜興

范成大

二麥俱收斗百錢
田家喚作小豐年
餅爐飯甑無饑色
接到西風熟稻天

秋曉出郊

宋楊萬里

初日新寒正曉霞
殘山賸水稍人家
霜紅半臉金嬰子
雪白一川蕎麥花

江山道中蠶麥大熟

楊萬里

黃雲割路幾肩歸
紫玉炊香一飯肥
却破麥田秧晚稻

未教水牯卧斜暉

麥

楊萬里

無邊綠錦織雲機
全幅青羅作地衣
此是農家真富貴
雪花銷盡麥苗肥

行郊外

元 張養浩

雲駁疎陰漏日華
矐矐晨色散林鴉
馬前怪底猶明月
路轉滿川蕎麥花

九日省舅氏郭西獨行因書所見

元 曹伯啟

浩浩陰風釀宿霾
道邊佛刹記曾來
蒼花不識秋光老
猶向桑陰密處開

喜晴

元 楊載

檐外喧喧鵲報晴
夕陽猶照小窗明
迴舟更倚南風順
要聽田家打麥聲

絕句

明 劉基

槐葉陰陰覆短牆
微風細雨麥秋涼
如何一歲三春景

不及閒窗午夢長

送別叔銘出順承門

明 鏞 崧

送客出城秋已涼
太行南上楚天長
順承門外斜陽裏
蕎麥花開似故鄉

懷友

明 僧德祥

湖草青青上客舟
辛夷花老麥初秋
一春多少懷人夢
半在鄉山雨外樓



御定佩文齋詠物詩選卷二百五十八

欽定四庫全書

集部

御定佩文齋詠物詩選卷三

五十九至
七十五

詳校官侍郎臣李封

主事銜臣徐以坤覆勘

總校官檢討臣何思鈞

校對官中書臣陸湘

謄錄監生臣郭瓚

欽定四庫全書

御定佩文齋詠物詩選卷二百五十九

蔬菜類

五言古

雨後行菜

宋蘇軾

夢回聞雨聲喜我菜甲長
平明江路濕並岸飛雨漿
天公真富有乳膏瀉黃壤
霜根一番滋風葉漸俯仰
未任筐筥載已作杯桉想
艱難生理窄一味敢專饗
小摘飯

山僧清安寄深賞芥藍如茵藟脆美牙頰響白菘類羔
豚冒土出踏掌誰能視火候小竈當自養

元修菜

并序

蘇軾

菜之美者有吾鄉之巢故人巢元修嗜之余
亦嗜之元修云使孔北海見當復云吾家菜
耶因謂之元修菜余去鄉十有五年思而不
可得元修適自蜀來見余於黃乃作詩使歸
致其子而種之東坡之下云

彼美君家菜鋪田綠茸茸莢圓且小槐芽細而豐種
之秋雨餘擢秀繁霜中欲花而未萼一一如青蟲是時
青裊女采擷何怱怱丞之復湘之香色蔚其饒點酒下
鹽豉縷橙毛薑蔥那知難與豚但覺放筋空春盡苗葉
老耕翻煙雨叢潤隨甘澤化煖作青泥融始終不我負
力與糞壤同我老忘家舍楚音變兒童此物獨斌媚終
年繫余胃君歸致其子囊盛勿函封張騫移首着適用
如葵松馬援載薏苡羅生等蒿蓬懸知東坡下墜鹵化

千鍾長使齊安民指此說兩翁

食煮菜簡呂居仁

宋 韓駒

曉謁呂公子解帶浮屠宮留我具朝餐喚奴求晚菘洗
箸點鹽豉鳴刀芼薑蔥俄頃香馥坐雨聲傳鼎中方觀
翠浪涌忽變黃雲濃爭貪歛鉢煖不覺定盃空憶登金
山頂僧飯與此同還家不能學空費烹調功硬恐動牙
頰冷愁傷肺曾君獨得其妙堪持餉衰翁異時聞豪氣
愛客行庖豐殷勤故煮菜知我林下風人生各有道肯

蓄用禦冬今我無所營枵腹何由充豈惟臺無餽菜把
尚不蒙念當勤致此亦足慰途窮

種菜

宋 劉子暈

傍舍植柔蔬攜鋤理荒穢桔槔勤俯仰一雨功百倍朝
來綠映土新葉搖肺肺牛羊勿踐畦肉食屠爾輩

謝馬善卿送菜

明 孫作

嘗欣食菜美自謂肉不過今晨齒頰間屢嚙安敢唾持
梁嚙肥鮮野藪誰當課使君可憐人異味諳小大我本

江南樵酸寒羹不和空腸轉藜覓糲粟連糠糲雨韭春
割苗霜菘秋釘座羊蹄釀旨蓄蒲歎雜細剉芋魁掘地
底茭首洗泥科木魚三百頭竹筍一萬箇朝湘出山厨
夕煮吹煙銜堆盤青黃具入口生澀奈以茲媚盤餐頗
復如君作採之諒有時蒸或躬自佐白鹽點蔥橙紅椒
羅白磨蔗錫質劑調醃醑芳辛破香飯炊屢熟宿酒醒
方餓我鴛掌推不受鼈屨空欲蛻饋案連十罌飽食深自
荷霜根咀寒壘三歎論奇貨冰壺奪仙厨適口騰軒簸

四海一東坡拙謫常坎珂參軍半畝菜詩句劇嘲賀我
蠢不償一造物知何那抱甕力不任負鋤筋苦墮亦欲
賦歸田自種百畝稔傳君作菜法華甕旋封裏食勤不
媿天日晏從高卧

紫芥

明 吳寬

惟芥本菜類秋深掇而藏此種乃野生已向春初長紫
花布滿地葉嫩亦堪嘗氣味既不辛却與芥同行北人
無不食木柈與草芒入盤以油和齒頰流肥香

七言古 附長短句

春菜

宋 蘇軾

蔓菁宿根已生葉，韭芽戴土拳如蕨。
爛蒸香薺白魚肥，碎點青蒿涼餅滑。
宿酒初消春睡起，細履幽畦掇芳辣。
茵陳甘菊不負渠，鱸鱠堆盤纖手抹。
北方苦寒今未已，雪底菠薐如鐵甲。
豈如吾蜀富冬蔬，霜葉露芽寒更茁。
久拋松菊猶細事，苦筍江豚那忍說。
明年投劾竟須歸，莫待齒搖并髮脫。

次韻子瞻春菜

宋 黃庭堅

北方春蔬嚼冰雪妍暖思采南山蕨韭苗水餅姑置之
苦菜黃雞羹糝滑蕈絲色紫菰首白蕪蒿牙甜焯頭辣
生菹入湯翻手成芼以薑橙誇縷抹驚雷茵子出萬釘
白鷺截掌鼈解甲琅玕林深未飄籜軟炊香杭煨短茁
萬錢自是宰相事一飯且從吾黨說公如端為苦筍歸
明日青衫誠可脫

秋蔬

宋 張耒

荒園秋露瘦韭葉色茂春菘甘勝蕨人言佛見為下筋
芡炙羹更滋滑其餘瑣屑皆可口蕪菁脆肥薑薤辣
藏鞭雞筍纖玉露映葉乳茄濃黛抹已殘枸杞只畱枿
晚種萵苣初生甲南來食魚忘肉味久思吾土牛羊茁
軟炊一飽老有味痛飲百壺今不說蒲團齋罷欠申時
自覺少年心解脫

順老寄菜花乾戲作長句

宋 韓 駒

道人禪餘自鋤菜小摘黃花日中曬峨眉楸脯久不來

麴糝薑絲典型在封題寄我紙作囊中有巴蜀齋廚香

起炊曉甑八月白配此春盤一掬黃

榘軟本耳八月白稻名也

鹹齏十韻

宋

陸游

九月十月屋瓦霜家人共畏畦蔬黃小罌大甕盛滌濯
青松綠韭謹蓄藏天氣初寒手訣妙吳鹽正白山泉香
披書旁觀稚子喜洗刀竭作廚人忙園丁無事臥曝日
棄葉狼藉堆空廊泥為緘封糠作火守護不敢非時嘗
人生各自有貴賤百花開時促高宴劉伶病醒相如渴

長魚大肉何由薦凍壘此際價千金不數狐泉槐葉麪
摩挲便腹一欣然作歌聊續冰壺傳

食生菜

宋葛長庚

殘風剩雨放春晴久醉欲醒何由醒枕上扶頭更解醒
五官六吏皆失寧滿園蒿苴間蔓菁火急掣鈴呼庖丁
細膾雨葉縷風莖酢紅薑紫銀鹽明豆蘘麻膏和使成
食如辣玉兼甜冰毛骨灑灑心泠泠

蔬圃

元許有孚

有池可汲園可斲拂袖歸來心願足自甘學圃為小人
愛此菜茹畫首肴元修雨後脆且腴諸葛敷榮蔓濃綠
蘿蔔生兒芥有孫芋魁出水頻澆沃罷鋤時或釣池魚
隱几何曾夢蕉鹿既無抱甕老翁勞亦免趨炎習肩辱
吾嘗寓甲第紛紛厭梁肉吾今且烹葵食鬱雜野蕪彼
紫駝峰出翠釜爭如菘韭侑炊粟五侯之鯖世所貴五
辛之盤吾亦欲庸人皆被富貴熏或羨吾饕是清福但
令此色毋駐顏雋味齧根充我腹三年不窺慚仲舒吾

儕何可輕樊須九月築場十月滌連年藉此輸官租

菜邁為余唐御賦

明高啟

柱桐里中君始歸菜花滿園黃蜂飛桔槔倚樹長不用
江南雨多山土肥方畦獨遶看新綠晚食何須尚思肉
翠縷登盤春薤香金釵出盎冬菹熟我家亦在萑菰鄉
秋風便應歸共嘗潮州司馬成何事回首空愁足萬羊

五言律

監上采石芥寄前李明府

唐錢起

淵明遺愛處山芥綠芳初玩此春陰色猶滋夜雨餘隔
谿煙葉小覆石雪花舒采采還相贈瑤華洵不如

白菜

元許有壬

土羔新且嫩筐筥薦紛披可作青精飯仍攜玉版師清
風牙頰響真味士夫知南土稱秋末投簪要及時

五言排律

蔬圃

宋陸游

山翁老學圃自笑一何愚
硤瘠纔三畝勤劬賴兩奴
正

方畦畫局微潤土融酥剪闢荆榛盡鉏犁石塊無過溝
橫略約聚甃起浮屠隙地成瓜援餘工及芋區如絲細
生菜似鴨爛蒸壺此事今真辦東歸不為鱸

七言律

偶撥野蔬寄襲美

唐陸龜蒙

野園煙裏自幽尋嫩甲香蕤引漸深行歇每依鴉舅影
挑頻時見鼠姑心凌風藹彩初攜籠帶露虛疎或貯襟
欲助春盤還愛否不妨蕭灑似家林

魯望以躬掇野蔬兼示雅什用以酬謝

唐皮日休

杖摘春煙煖向陽煩君為我致盈筐深挑乍見牛脣液

爾雅云黃牛脣一名水蒿

細掐徐聞鼠耳香

本草云葉似鼠耳莖赤可生食

紫甲採從泉脉畔

翠牙搜自石根旁雕胡飯熟醍醐軟不是高人不合嘗

挽蔬

宋朱子

未覺閒來歲月頻荷鉏方喜土膏勻連畦已放瑤簪露
覆地行看玉本新小摘登盤先餉客晚餐當肉更宜人

却憐寂寞公儀子拔盡園蔬不歎貧

芥齋

宋 楊萬里

此薑馨辣最佳蔬蒜芥芳心不讓渠蟹眼嫩湯微熟了
鴛兒新酒未醒初棖香醋釀作三友露葉霜芽知幾鋤
自笑枯腸成破甕一生只解貯寒蔬

趙尉送菜

宋 戴 昉

虛老空山學圃翁荷鋤頭白雪鬢鬆芥臺如辟何曾夢
菜腦生筋漫自供不料官園蒼玉束絕勝禁巒紫駝峰

更煩詩手剪春雨刺與一番風露宵

五言絕句

同羣公題張處士菜園

唐高適

耕地桑柘間地肥菜常熟為問葵藿資何如廟堂肉

芥

宋劉子翬

葉實把芳辛氣烈消煩滯登俎效微勞乍食驚頻嚏

題蘇希亮畫

宋裴萬頃

石梁度山澗上有秦人居歲寒不種桃汲泉灌嘉蔬

灑陽後菴

金元好問

非早春先綠
菘肥秋未黃
殷勤繞畦水
終日為君忙

題畫菜

明錢宰

綠酒交春熟
燈花入夜開
兩畦堪小摘
不見故人來

其二

今日荷鋤倦
嘉蔬沒四垣
客來春酒綠
風雨夜開園

七言絕句

尋山家

唐長孫佐輔

獨訪山家歇還涉茅屋斜連隔松葉主人聞語未開門
繞籬野菜飛黃蝶

食蔬

唐
陸龜蒙

日午空齋帶睡痕水蔬山藥薦盤殮林鳥信我無機事
長到而今下石盆

洛城雜詩

宋
韓維

上東門外春三月桑葉陰陰覆菜花密竹亂流行徑絕
桔槔鳴處是人家

擷菜

宋蘇軾

秋來霜露滿東園
蘆菔生兒芥有孫
我與何曾同一飽
不知何苦食雞豚

二月二日挑菜節大雨不能出

宋張耒

久將菘芥芣南羹
佳節泥深人未行
想見故園蔬甲好
一畦春水輓轡聲

春日懷淮陽

張耒

最愛南城汲井園春來蔬甲不勝繁人家斷處無雞犬
遲日東風似古原

春日田園雜興

宋 范成大

桑下春蔬綠滿畦
菘心青嫩芥臺肥
谿頭洗擇店頭賣
日暮裹鹽沽酒歸

晚春田園雜興

范成大

紫青萸葉卷荷香
玉雪芹芽拔薤長
自擷谿毛充晚供
短篷風雨宿橫塘

其二

茅針香軟漸包茸
蓬蒿甘酸半染紅
采采歸來兒女笑
杖頭高挂小筠籠

冬日田園雜興

范成大

撥雪挑來踏地松
味如蜜藕更微濃
朱門肉食無風味
只作尋常菜把供

野菜

宋 陸游

老農飯粟出躬耕
捫腹何殊享大烹
吳地四時常足菜

一番過後一番生

其二

雨過寒聲滿背蓬如今真是荷鋤翁
自憐遇事常遲鈍
九月區區種晚菘

巢菜

陸游

昏昏霧雨暗衡茅兒女隨宜沽酒肴
便覺此身如在蜀
一盤籠餅足豌巢

宿南嶺驛

宋楊萬里

蕨手猶拳已筋長
菊苗初甲可羹嘗
山邨佳味無人享
一路春風野菜香

至後入城道中雜興

楊萬里

畦蔬甘似卧沙羊
正為新經幾夜霜
蘆葍過拳菘過膝
北風一路菜羹香

新春喜雨

宋徐璣

農家不厭一冬晴
歲事春來漸有形
昨夜新雷催好雨
疏畦麥壟最先青

雨後

金馮辰

東風花外錦鳩啼
喚起西山雨一犁
綠滿蔬畦人不到
桔槔閒立夕陽低

翰林故事莫盛於唐宋
聊述舊聞擬宮詞十首

錄一

元袁楠

春帖分裁閣分多
宮娥爭餽纈羅青
絲菜并銀盤送
幡勝新題墨旋磨

洪州歌

元柳貫

女兒頭戴角冠歌
勾葉垂垂禪鬢齊
十里來城肩擔重
新晴菜把賤如泥

題菜

元 貢性之

西風吹動錦爛斑
曉起窺園露未乾
三日宿醒醒不得
正思風味到辛盤

春菜

元 張 雨

土甲離離宿雨痕
畦蔬小摘當盤殮
紅綾餅餠殘牙齒
合向巖頭嚼菜根

山居吟

元僧清珙

山形凹凸路高低石占雲頭屋占蹊地窄栽來蔬菜少
又營小圃過橋西

西園即事

明高啟

綠池芳草滿晴波春色都從雨裏過知是鄰家花落盡
菜畦今日蝶來多

答楊署令送菜

明徐賁

隙地知君手自栽紺芽紅甲雨中開閒居我亦清齋久

肯折新葵為送來

縣舍即事

明葉子奇

朝日開衙幕散衙略無一刻及春華偶過縣舍坡陀外
隨分春風領菜花

畫菜

明任衛

露芽煙甲曙光寒紫翠溥香濕未乾記得花開曾病酒
玉人纖手薦春盤

御定佩文齋詠物詩選卷二百五十九

欽定四庫全書

御定佩文齋詠物詩選卷二百六十

雜蔬類

五言古

百合

梁宣帝

接葉有多種開花無異色含露或低垂從風時偃抑

行園

梁沈約

寒瓜方卧壟秋菰亦滿陂紫茄紛爛熳綠芋鬱參差初

菘向堪把時非日離離高梨有繁實何減萬年枝荒渠
集野鴈安用昆明池

續古詩

唐白居易

朝采山上薇暮采山上薇歲晏薇亦盡饑來何所為坐
飲白石水手把青松枝擊節獨長歌其聲清且悲櫪馬
非不肥所苦長繫維豕豕非不飽所憂竟為犧行行歌
此曲以慰長苦饑

北人以松皮為菜予初不知味虞侍郎分餉一

小把因飯素授廚人與園蔬雜進珍美可喜

因作一詩

宋朱弁

吾老似出家晚悟媿根鈍滋旨却羶葷禪悅要親近偉
哉十八公茲道亦精進舍身奉力几割體絕嗔恨鱗皴
老龍皮鳴齒溢芳潤流膏為伏龜千歲未須問便堪奴
筍蕨詎肯友芝菌跣跣得一飽萬事皆可擯侍郎文懿
後落落衆推俊澹然世味薄內典得所信香廚畱淨供
頗食不言頓晏然不語草木雷音震得法於此公骨

髓傳心印應憐持節人
餉此為問訊欲將無上味
為我洗塵至食之不敢餘
感激在方寸

采芹

明僧宗泐

深渚芹生密淺渚芹生稀
采稀不濡足采密畏沾衣
清晨攜筐去及午行歌歸
道逢李將軍馳獸春乘肥

七言古

郭圃送蕪菁感成長句

宋張耒

蕪菁至南皆變松
松美在上根不食
瑶簪玉筍不可見

使我每食思故國西鄰老翁知我意盈筐走送如雪白
蒸烹氣味元不改今晨一餐兼南北孔明用蜀最艱窘
百計捃拾無遺策當時此物助軍行渭上襖中有遺植
英雄臨事究瑣屑終服奇才屈強敵想見躬耕自灌畦
當時有意誰能測

豆苗

宋方岳

江南之筍天下奇春風匆匆吹上籬秦郵之薑肥勝肉
遠莫致之長負腹先生一鉢同僧居別有方法供齋蔬

山房掃地布豆粒不須勤荷煙中鋤手分瀑泉灑作雨
覆以老瓦如穹廬平明發視玉髯磔一夜怒長堪冰苴
自親火候淪魚眼帶生毛入晴雲盃碧絲高壓涎滑尊
脆響平欺辛螯焯晚菘早韭各一時非時不到詩人脾
何如此雋咄嗟辦庾郎處貧未為慣

五言律

芹

宋朱子

晚食寧論肉知君薄世榮瓊田何日種玉本一時生白

鶴今休誤青泥舊得名收單還炙背北闕儻闕情

畦樂園

明
劉永之

郭南抱甕者久與世情疎砌長龍須草林開燕尾渠
轆轤花下轉萬莖雨中鉏蔗熟能相寄酬君薤葉書

五言絕句

菘

宋
劉子暈

周郎愛晚菘對客蒙稱賞
今晨喜薦新小嚼冰霜響

七言絕句

謝楊履道送銀茄

宋黃庭堅

藜藿盤中生精神珍蔬長帶色勝銀朝來鹽醢飽滋味
已覺瓜瓠漫輪囷

其二

君家水茄白銀色殊勝壩裏紫彭亨蜀人生蔬不下筋
吾與北人俱眼明

其三

白金作顆非種成中有萬粟嚼輕冰戎州夏畦少蔬供

感君來飯在家僧

其四

畦丁收盡垂露實
葉底猶藏十二三
待得銀包已成穀
更當乞種過江南

題秋茄圖

元錢選

憶昔毗山愛寫生
瓜茄任我筆縱橫
自憐老去翻成拙
學圃今猶學不成

翠巖流壑

元黃公望

石磴連雲暮靄霏翠微深杳玉泉飛谿迴寂靜塵蹤少
惟許山人共採薇

題松菜圖

元陳高

栗里園荒舊日歸手栽松菜雨根肥只今客裏看圖畫
惆悵紅塵滿目飛

御定佩文齋詠物詩選卷二百六十